

57X

52

28



外戚世家第十九

漢書列傳六十七

史記四十九

正義曰繼體謂嫡子繼先  
祖者也守文謂守先  
祖法制也

正義曰內德謂皇后也  
外戚謂皇后親戚也

注僑乍嬌  
與伊尹比而七夏  
成息戎及

世本云帝倍次妃娥  
民之女曰簡狄生契  
與膠鬲比而七殷

自古受命帝王及繼體守文之君

索隱曰繼體謂非創  
業之主而是嫡子繼

先帝之正體而立者也守文者猶法也謂非  
受命創制之君但守先帝法度為之主耳

茂也蓋亦有外戚之助焉

索隱曰謂非獨君德於內茂  
盛亦有賢后妃外戚之親以

助教夏之興也以塗山

索隱曰韋昭云塗山國名禹所  
娶在今九江應劭云九江當塗

有禹墟大戴禮云禹娶塗山

而桀之放也以末喜

氏之女謂之女僑生啓也

索隱曰因

語桀伐有施有施人以末喜其女也

殷之興也以有娥

索隱曰有娥國名其女簡狄吞燕卵而  
生契故詩云天命敷鳥降而生商是也  
紂之殺也嬖妲  
已有蘇國也巳姓也妲字也包慎云妲音丁達反  
周



身親在爾比而亡周

書義於十字或先

陰陽平

之興也以美原及大任索隱曰系本云帝嚳上妃有郇  
姓嬀名履大人跡生后稷大任文王之母故而幽王之  
詩云摯仲氏任毛詩云摯國任姓之中女也  
蔡之子褒人育而以女於幽王也然此文自夏故易基  
之興臣褒姒皆是史蘇之詞見國語及列女傳  
 乾坤詩始關雎書美釐降春秋譏不親迎索隱曰公羊  
女傳曰外逆女書此何以書夫婦之際人道之大倫也  
譏也何譏爾始不親迎也  
 禮之用唯婚姻為兢兢夫樂調而四時和陰陽之變萬  
物之統也索隱曰以言若樂聲調能令四時和而陰陽  
婦道和而能化生万物也可不慎與人能弘道無如  
人為之本故云万物之統也  
 命何甚哉妃匹之愛索隱曰妃音君不能得之於臣索

命何甚哉

正義曰言臣子有親  
 愛之情君父雖尊  
 猶不能除奪况乎  
 卑下而能制止乎  
 不能成子姓正義曰  
 言無子孫

漢施正義曰下式  
 文及謂開展也言  
 姬嬀多也

曰以言夫婦親愛之情雖君父之尊而不奪臣子所好  
 愛使移其本意是不能得也故曰匹夫不可奪志也  
 父不能得之於子况卑下乎既驩合矣或不能成子姓  
索隱曰鄭玄註禮記云姓者予能成子姓矣或不能要  
姓謂衆孫也即趙飛鸞等是也  
其終索隱曰按謂有始不能要其終也以言雖有  
子姓而意不能要終如栗姬衛后等是也豈非  
 命也哉孔子罕稱命蓋難言之也非通幽明之變惡能  
 識乎性命哉索隱曰惡音  
 太史公曰秦以前尚略矣其詳靡得而記焉  
 漢興呂娥姁徐黃曰姁音沉羽反呂古姊字長姁也  
名姁字為高祖正后男為太子及晚節色衰愛弛而戚  
夫人有寵索隱曰漢書云其子如意幾代太子者數矣

史記

小四七



人子作人兒

字甚

及高祖崩呂氏夷戚氏誅趙王而高祖後宮唯獨無寵  
踈遠者得無恙索隱曰爾雅云恙憂也一說古者野居露宿恙啞人蟲也故人相恤云得無恙

乎呂后長女為宣平侯張敖妻敖女為孝惠皇后索隱曰皇

後宮人子為子及孝惠帝崩天下初定未久繼嗣不明

於是貴外家王諸呂以為輔而以呂祿女為少帝后欲

連固根本牢甚然無益也高后崩合葬長陵關中記曰

西呂后陵在東漢帝后同塋則祿產等懼誅謀作亂大

臣征之天誘其統徐廣曰一作衷卒滅呂氏唯獨置孝惠皇后

居北宮索隱曰在未央北故曰北宮正義曰括地志云北宮在雍州長安縣西北十三里與桂宮相

以滅蒙

高祖后

姬

云或無

近在長安故城中迎立代王是為孝文帝奉漢宗廟此豈非天

邪非天命孰能當之

薄太后父吳人姓薄氏秦時與故魏王宗家女魏媼通

索隱曰媼音烏老反然媼是婦人之老者通號故趙太后自稱媼及劉媪衛媼之屬是也

薄父死山陰因葬焉索隱曰顧氏按冢墓記薄父冢在會稽縣西北標山上今猶有北城

州會稽縣西北二里一名稷山標音莊洽反及諸侯畔

秦魏豹立為魏王而魏媼內其女於魏宮媼之許君所

相相薄姬云當生天子是時項羽方與漢王相距滎陽

天下未有所定豹初與漢擊楚及聞許君言心獨喜因

背漢而畔中立更與楚連和漢使曹參等擊虜魏王豹



以其國為郡而薄姬輸織室豹已死漢王入織室見薄  
 姬有色詔內後宮歲餘不得幸始姬少時與管夫人趙  
 子兒相愛約曰先貴無相忘已而管夫人趙子兒先幸  
 漢王漢王坐河南宮成臯臺索隱曰按是河南宮之成  
 臯臺漢書作成臯靈臺西  
 征記云武牢城內有高祖殿西南有武庫也。正義曰  
 括地志云洛州汜水縣古東魏州故鄭之制邑漢之成  
 臯縣也此兩美人相與笑薄姬初時約漢王聞之問其故  
 兩人具以實告漢王漢王心慘然憐薄姬是日召而幸  
 之薄姬曰昨暮夜妾夢蒼龍據吾腹高帝曰此貴徵也  
 吾為女遂成之一幸生男是為代王其後薄姬希見高  
 祖高祖崩諸御幸姬戚夫人之屬呂太后怒比日幽之不

外戚世家

標六藥姬中十

得出宮而薄姬以希見故得出從子之代為代王太后  
 太后弟薄昭從如代代王立十七年高后崩大臣議立  
 後疾外家呂氏彊皆稱薄氏仁善故迎代王立為孝文  
 皇帝而太后改號曰皇太后弟薄昭封為軹侯索隱曰  
 地理志  
云軹縣在河內恐地遠非其封案  
 長安東有軹道亭或當是所封也薄太后母亦前死葬  
 櫟陽北於是乃追尊薄父為靈文侯會稽郡置園邑三  
 百家長丞已下吏奉守家寢廟上食祠如法而櫟陽北  
 亦置靈文侯夫人園如靈文侯園儀薄太后以為母家  
 魏王後早失父母其奉薄太后諸魏有力者於是召復  
 魏氏及尊賞賜各以親疏受之薄氏侯者凡一人薄太

母中無

者中無



以中作由  
會中作合

文帝后

后後文帝二年以孝皇帝前二年崩葬南陵索隱曰按

霸陵南十里故謂之南陵按今在長安東滻水東原上

名曰少陰在霸陵西南故曰東望吾子西望吾夫是也

正義曰括地志云南陵故縣在雍州万年縣東南二

十四里漢南陵縣本薄太后陵邑陵在東北去縣六里

以呂后會葬長陵故特自起陵近孝文皇帝霸陵徐廣

陵縣有

輶道專

竇太后索隱曰皇甫謐云名稱房趙之清河觀津人也正義曰在冀

州棗強縣東

北二十呂太后時竇姬以良家子入宮侍太后太后出

宮人以賜諸王各五人竇姬與在行中竇姬家在清河

欲如趙近家請其主遣宦者吏正義曰謂宦者為必置

我籍趙之伍中宦者忘之誤置其籍代伍中籍奏詔可

外戚世家

當行竇姬涕泣怨其宦者不欲往相彊乃肯行至代代

王獨幸竇姬生女嫫索隱曰嫫音瓦消反後生兩男而代王王后

生四男先代王未入立為帝而王后卒後代王立為帝

而王后所生四男更病死孝文帝立數月公卿請立太

子而竇姬長男最長立為太子立竇姬為皇后女嫫為

長公主其明年立少子武為代王已而又徙梁是為梁

後或作及

孝主竇皇后親早卒葬觀津索隱曰挾羊實注決錄云竇

太后父少遭秦亂隱身漁

釣墜泉而死景帝立太后遣使者填父所墜淵起大墳

於觀津城南人間號為竇氏青山正義曰括地志云

竇少君墓在冀州武

邑縣東南二十七里

於是薄太后乃詔有司追尊竇太后

父為安成侯母曰安成夫人令清河置園邑二百家長



史記

漢書別立竇居兄  
長君弟廣國傳

日或作曰

常中作嘗

禮記王制湯沐之邑  
注給齋戒自潔清  
之用湯沐用潘

承奉守比靈文園法竇皇后兄竇長君索隱曰決錄弟  
 曰竇廣國字少君少君年四五歲時家貧為人所略賣  
 其家不知其處傳十餘家至宜陽為其主入山作炭寒  
 臥岸下百餘人岸崩盡壓殺臥者少君獨得脫不死自  
 小數日當為侯從其家之長安索隱曰謂從逐其宜陽  
 為居世聞竇皇后新立家在觀津姓竇氏廣國去時雖小  
 識其縣名及姓又常與其姊採桑墮用為符信上書自  
 陳竇皇后言之於文帝召見問之具言其故果是又復  
 問他何以為驗對曰姊去我西時與我決於傳舍中索  
 曰決別也傳舍音轉傳舍謂郵亭傳置之舍也索  
 美蓋竇君初入宮時別其弟於傳舍之中也隱巧沐沐我隱

列傳世家

封作令

後中十

曰巧音蓋巧者乞也沐米請食飯我乃去於是竇后持  
 潘也謂乞潘為弟沐也之而泣涕交橫下侍御左右皆伏地泣助皇后悲哀  
 乃厚賜田宅金錢封公昆弟家於長安索隱曰公亦祖  
 之昆弟如竇嬰即皇后從昆弟子之比亦得也謂皇后同祖絳侯灌將  
 家於長安故劉昆弟謂廣國等也軍等曰吾屬不死命乃且縣此兩人兩人所出微不可  
 不為擇師傳賓客又復效呂氏大事也於是乃選長者  
 士之有節行者與之竇長君少君由此為退讓君子不  
 敢以尊貴驕人竇皇后病失明文帝幸邯鄲慎夫人尹  
 姬皆母子孝文帝崩孝景帝立乃封廣國為章武侯索  
 曰地理志縣名屬渤海○下長君前死封其子彭祖為

義曰括地志云滄州魯城縣



說曰自喜自矜  
頁也但大長壽書  
何不自喜而倍  
乎手非矜貴之  
意歟

黃帝道書十卷  
老子道德經二卷

南皮侯索隱曰地理志縣名屬渤海。正義曰括地志云故南皮城在滄州南皮縣北四里漢南皮縣

也吳楚及時竇太后從昆弟子竇嬰任俠自喜將兵以

軍功為魏其侯索隱曰地理志縣名屬琅邪竇氏凡三人為侯竇太

后好黃帝老子言帝及太子諸竇不得不讀黃帝老子

尊其術竇太后後孝景帝六歲建元六年崩索隱曰當武帝建元

六年此文是也而合葬霸陵遺詔盡以東宮金錢財物

賜長公主嫖

王太后槐里人索隱曰皇甫謐云后名嫫音志地理志在扶風槐里本名廢丘。正義曰括地

志云大丘故城一名槐里亦曰廢丘母曰臧兒臧兒者故

燕王臧荼孫也臧兒嫁為槐里王仲妻生男曰信與兩

列藏世蒙

蚡扶問及勝音升又式少反

女索隱曰即后及兒姁也而仲死臧兒更嫁長陵田氏生男蚡勝

臧兒長女嫁為金王孫婦生一女矣而臧兒卜筮之曰

兩女皆當貴因欲竒兩女索隱曰竒者異之也漢書作倚倚依也乃奪金

氏金氏怒不肯予決乃內之太子宫太子幸愛之生三

女一男男方在身時王美人夢日入其懷以告太子太

子曰此貴徵也未生而孝文帝崩孝景帝即位王夫人

生男索隱曰即武帝也漢武故事云帝以乙酉年七月七日生於倚蘭殿也先是臧兒又

入其少女兒姁索隱曰姁音况羽反兒姁生四男索隱曰謂黃川王越膠東王寄

景帝為太子時薄太后以薄氏女為妃及景

帝立立妃曰薄皇后皇后母子母寵薄太后崩廢薄皇

帝立立妃曰薄皇后皇后母子母寵薄太后崩廢薄皇

因中無  
正義曰竒作倚曰  
倚於綺及倚依也  
同上筮兩女當貴  
乃依恃之故奪金  
氏之女

清河王舜常  
山王憲也



義曰望街恨也  
帝中作章

譽之餘

后景帝長男榮其母栗姬栗姬齊人也立榮為太子長  
公主嫖有女欲予為妃栗姬妬而景帝請美人皆因長  
公主見景帝得貴幸皆過栗姬索隱曰過音栗姬曰怨  
怒謝長公主不許長公主欲予王夫人王夫人許之長  
公主怒而日譏栗姬短於景帝曰栗姬與諸貴夫人幸  
姬會常使侍者祝唾其背挾邪媚道景帝以故望之索  
曰望猶責望謂恨之也景帝常體不安心不樂屬諸子為王者於  
栗姬曰白歲後善視之栗姬怒不肯應言不遜景帝恚  
心嗾之而未發也索隱曰嗾音街漢書作街街猶恨也長公主日與王夫  
人男之美景帝亦賢之又有曩者所夢日符計未有所

威世蒙

恨中無

蓋音甲

定王夫人知帝望栗姬因怒未解陰使人趣大臣立栗  
姬為皇后大行奏事畢索隱曰大行禮官行音衛日子以母貴母以  
子貴索隱曰此皆公羊傳之文也今太子母無號且立為皇后景帝  
怒曰是而所且言邪遂案誅大行而廢太子為臨江王  
栗姬愈恚恨不得見以憂死卒立王夫人為皇后其男  
為太子封皇后兄信為蓋侯索隱曰地理志縣名屬大山景帝崩太  
子襲號為皇帝尊皇太后母臧兒為平原君正義曰德州縣也  
封田蚡為武安侯索隱曰地理志縣名屬魏郡正義曰武安故城在洛州武安  
縣西南七里六國時趙邑漢武安縣城也勝為周陽侯索隱曰地理志縣名屬上郡正義曰括  
地志云周陽故城在絳州景帝十二男一男為帝十二

間喜縣東二十九里也



死中卒

男皆為王而兒姁早卒其四子皆為王王太后長女號

曰平陽公主正義曰括地志云平陽故城即晉州城西面今平陽故城東面也城記云堯築也

次為南宮公主正義曰南宮冀州縣也次為林慮公主索隱曰林慮縣名屬

勝貪巧於文辭王仲早死葬槐里追尊為共侯置園邑

二百家及平原君卒從田氏葬長陵置園北共侯園而

王太后後孝景帝十六歲以元朔四年崩合葬陽陵正義

曰括地志云陽陵在雍州咸陽縣東四十里王太后家凡三人為侯

衛皇后字子夫生微矣蓋其家號曰衛氏正義曰衛青

為吏給事平陽侯家與侯安衛媼通生青故冒衛氏出平陽侯邑徐廣曰平陽侯

曹壽尚平陽公

威世家

被音廢今音拂

主子夫為平陽主謳者武帝初即位數歲無子平陽主

求諸良家子女十餘人飾置家武帝被徐廣曰三月上

之歡呂后本紀亦云二月被還過軹道蓋與游字相似故或定之也。索隱曰小頰被音發今亦音拂謂被襖

之游水自繫故云被除也霸王還因過平陽主主見所待美人上弗

說既飲謳者進上望見獨說衛子夫是日武帝起更衣

子夫侍尚衣軒中得幸正義曰尚主也於主衣車中得幸也上還坐驪甚

賜平陽主金千斤主因奏子夫奉送入宮子夫上車平

陽主拊其背曰行矣彊飯勉之即貴無相忘入宮歲餘

竟不復幸武帝擇宮人不中用者斥出歸之衛子夫得

見涕泣請出上憐之復幸遂有身尊寵日隆召其兄衛

上中元

擇一作釋

日隆中無



長君弟青為侍中而子夫後大幸有寵凡生三女一男

索隱曰二女謂諸邑石邑及衛男名據索隱曰即初上

為太子時娶長公主女為妃立為帝妃立為皇后姓陳

氏索隱曰漢武故事云后名阿嬌即長公主嫖女嫖也無子

上之得為嗣大長公主有力焉徐廣曰即景帝時嫖也以故陳皇

后驕貴聞衛子夫大幸恚幾死者數矣上愈怒陳皇后

挾婦人媚道其事頗覺於是廢陳皇后索隱曰漢書云為皇后呪詛大逆無道相連誅者三百餘人乃廢后居

長門宮故司馬相如賦云陳皇后別在長門宮愁悶悲

思奉黃金百斤為相如取酒乃為作頌以秦皇而立衛

子夫為皇后陳皇后母大長公主景帝姊也數讓武帝

驕貴  
媚道其  
大逆

外戚世家

錢中乍金

及或乍乃

姊平陽公主曰帝非我不得立已而棄指吾女壹何不

自喜而倍本乎平陽公主曰用無子故廢耳陳皇后求

子與醫錢凡九千萬然竟無子衛子夫已立為皇后先

是衛長君死乃以衛青為將軍擊胡有功封為長平侯

索隱曰地理志青二子在襁褓中皆封為列侯及衛皇

后所謂姊衛少兒少兒生子霍去病以軍功封冠軍侯

索隱曰地理志號驃騎將軍青號大將軍立衛皇后子

據為太子衛氏枝屬以軍功起家五人為侯及衛后色

衰趙之王夫人幸有子為齊王索隱曰王夫人早卒而

中山李夫人有寵有男一人為昌邑王索隱曰名勝李正義

正義



夫人早卒索隱曰李延年之女弟漢書云帝悼之李少翁致其形帝為作賦其兄李延

年以音幸號協律協律者故倡也兄弟皆坐妻族是時

其長兄廣利為貳師將軍伐大宛不及誅還而上既夷

李氏後憐其家乃封為海西侯正義曰漢武帝令李廣利征大宛國近四海故

號海西他娘子二人為燕王廣陵王索隱曰漢書云李娘子廣陵王王胥燕

也王且其母無寵以憂死及李夫人卒則有尹婕妤之屬

更有寵然皆以倡見非王侯有士之女士不可以配人

主也問或作問下

褚先生曰正義曰疑此元成之臣為郎時問君漢家故

事者鍾離生曰王太后在民間時所生子女者徐廣曰名俗

丹威世家

更有寵有字或元  
女士二字作世

猶

正義曰按後封修成君者父為金王孫王孫已死景帝崩後武帝已

立王太后獨在而韓王孫名嬀素得幸武帝承間曰言

太后有女在長陵也武帝曰何不早言乃使使往先視

之在其家武帝乃自往迎取之蹕道先驅旄騎出橫城

門如淳曰橫音光二輔黃圖云北西頭門。正義曰括地志云渭橋本名橫橋架渭水上在淮州咸陽縣

東南二十二里乘輿馳至長陵當少帝西入里里門閉

暴開門乘輿直入此里通至金氏門外止使武騎圍其

宅為其亡走身自往取不得也即使左右羣臣入呼求

之家人驚恐女亡匿內中牀下扶持出門令拜謁武帝

下車泣曰索隱曰烏百反蓋陰之辭耳。太姊何藏

下車泣曰正義曰嘯責失聲驚愕貌也

持或作將

市



侯中無

之深也詔副車載之迴車馳還而直入長樂宮行詔門  
 著引籍正義曰武帝道上詔令通名通到謁太后太后  
 曰帝倦矣何從來帝曰今者至長陵得臣姊與俱來顧  
 曰謁太后太后曰女其邪曰是也太后為下泣女亦伏  
 地泣武帝奉酒前為壽奉錢千萬奴婢三百人公田百  
 頃甲第以賜姊太后謝曰為帝費焉於是召平陽主南  
 宮主林慮主三人俱來謁見姊因號曰脩成君有子男  
 一人女一人男號為脩成子仲索隱曰金氏之甥脩成  
 大外祖王氏同字恐非也女為諸侯王王后徐廣曰嫁為淮南  
 王安大子妃也此二  
 子非劉氏以故太后憐之脩成子仲驕恣陵折吏民皆

外戚世家

世中作太下同

### 患苦之

衛子夫立為皇后右弟衛青字仲卿以大將軍封為長

平侯四子長子伉為侯世子侯世子常侍中貴幸其二

弟皆封為侯各千二百戶一曰陰安侯索隱曰名不疑  
 地理志陰安縣

二曰發干侯索隱曰名  
 地理志發干縣

三曰宜

春侯索隱曰名伉地理志宜春縣名屬汝南正義曰  
 括地志云宜春故城在豫州汝陽縣西六十七里

貴震天下天下歌之曰生男無喜生女無怒獨不見衛

子夫霸天下是時平陽主寡居當用列侯尚主主與左

右議長安中列侯可為夫者皆言大將軍可上突曰此

伉兄弟同名誤也

史記

卷一百一十五

外戚世家



出吾家常使令騎從我出入耳柰何用為夫乎左右侍  
御者曰今大將軍姊為皇后三子為侯富貴振動天下  
主何以賜之乎於是主乃許之言之皇后令白之武帝  
乃詔衛將軍尚平陽公主焉

褚先生曰丈夫龍變傳曰蛇化為龍不變其文家化為  
國不變其姓丈夫當時富貴百惡滅除光耀榮華貧賤  
之時何足累之哉

累力傷反

武帝時幸夫人尹婕妤

索隱曰韋昭云婕承好助也一

女漢舊儀云皇后為邢夫人號姪娥索隱曰服虔云姪  
姪好下輿礼比丞相耕反鄉誕生音莖字林音五經反說文云姪長也好也  
許慎云秦晉之間謂好為姪又方言云美貌謂之姪娥

漢舊儀云姪娥秩比將軍御史大夫衆人謂之姪何姪何秩比中二千石

索隱曰崔浩云中猶滿也漢制九卿已上秩一歲容華

秩比二千石索隱曰二千石是郡守之秩漢官儀云其

諸侯王相在郡守上秩真二千石漢律真二千石者如淳云

二萬按是二萬斛則二萬斛亦是一千石也崔浩云列

卿已上秩石皆正二千石則是真二千石也其云中二

千石亦不滿二千蓋千八九百耳此崔氏說今兼引而

之解婕妤秩比列侯常從婕妤遷為皇后尹夫人與邢夫

人同時並幸有詔不得相見尹夫人自請武帝願望見

邢夫人帝許之即令他夫人飾從御者數十人為邢夫

人來前尹夫人前見之曰此非邢夫人身也帝曰何以  
言之對曰視其身貌形狀不足以當人主矣於是帝乃

前中無  
身作駢



室中作宮

世家褚先生  
有三

室中作宮

武帝后

詔使邢夫人衣故衣獨身來前尹夫人望見之曰此真是也於是乃低頭俛而泣自痛其不如也諺曰美女入室惡女之仇

正義曰音俯

痛或作病

褚先生曰浴不必江海要之去垢馬不必騏驎要之善走士不必賢世要之知道女不必貴種要之貞好傳曰女無美惡入室見妬士無賢不肖入朝見嫉美女者惡女之仇豈不然哉

鈞弋夫人姓趙氏河間人也

索隱曰漢書云武帝過河間望氣者言此有奇女天子

亟使使召之女兩手皆拳上自披之手即伸由是得幸號曰拳夫人後居鈞弋宮號曰鈞弋夫人列仙傳云發手得一玉鈞故號焉黃圖云鈞弋宮在城外漢武故事云宮在直門南朝記云宮有千門萬戶不可記其名

列載世家

也昭帝即位追尊大后父趙父為順成侯○正義曰括地志云鈞弋宮在長安城中門名堯母門也得幸

武帝生子一人昭帝是也武帝年七十乃生昭帝昭帝

立時年五歲耳

徐廣曰武帝崩年正七十昭帝年八歲耳○索隱曰此褚先生之記漢書云元

始二三年生昭帝又誤按元始當作太始也衛太子廢後未復立太子而燕王旦上書願歸國入宿衛武帝怒立斬其使者於北闕上

居甘泉宮召畫工圖畫周公負成王也於是左右羣臣

知武帝意欲立少子也後數日帝譴責鈞弋夫人夫人

脫簪珥叩頭帝曰引持去送掖庭獄夫人還顧帝曰趣

行女不得活夫人死雲陽宮

索隱曰三輔故事云苑井甘泉宮南後昭帝起雲陽邑

二千戶漢武帝故事云既殯香聞十里上疑非常人發棺無尸衣履存焉○正義曰括地志云雲陽宮秦之甘

正義曰漢書曰後元  
年上疾病遂立昭  
帝太子年八歲明  
日武帝崩太子即  
皇帝位五歲有  
先生誤矣

史記

上

五



使者已下至其處  
禁忌御讀不讀

為  
中有

泉宮在雍州雲陽縣西北八十里秦始皇作耳時暴風  
泉宮去長安三百里黃帝以來祭圓丘處也  
揚塵百姓感傷使者夜持棺往葬之正義曰括地志云雲陽陵漢鈞弋夫  
人陵也在雲陽縣西北五十八里孝武帝鈞弋趙婕妤  
昭帝之母齊人姓趙少好清靜六年臥病右手捲飯食  
少望氣者云東北有貴人推而得之召到姿色甚佳武  
帝持其手伸之得玉鈞後生昭帝武帝末年殺夫人殯  
之而尸香一日昭帝更葬之棺但存然履也宮託云武  
帝思之為起通靈臺於甘泉常有一青鳥集臺上往來  
至宣帝時乃止封識其處其後帝閑居問左右曰人言云何左  
右對曰人言且立其子何去其母乎帝曰然是非兒曹  
愚人所知也往古國家所以亂也由主少母壯也女主  
獨居驕蹇淫亂自恣莫能禁也女不聞呂后邪故諸為  
武帝生子者無男女其母無不譴死豈可謂非賢聖哉

外戚世家

昭然遠見為後世計慮固非淺聞愚儒之所見也謚為  
武宣虛哉

索隱述贊曰

禮貴夫婦

易叙乾坤

配陽成化

比月居尊

河洲降淑

天曜垂軒

德著任姒

慶流娥姁

建我炎曆

斯道克存

呂權大寶

寶善玄言

自茲已降

立嬖以恩

內無常主

後嗣不繁

或及  
或及字上有能字



外戚世家第十九

史記四十九

楚元王世家第二十

史記五十

楚元王劉交者

正義曰年表云都彭城

高祖之同母

徐廣曰一作父。索隱曰

漢書作同父言同父以明異母也

少弟也字游高祖兄弟四人長兄伯

伯蚤卒始高祖微時嘗辟事時時與賓客過巨嫂食

徐廣

曰漢書云立嫂也。索隱曰應劭云立姓也。孟康云立空也。兄云空有嫂也。今此作巨。巨大也。謂長嫂也。劉氏

云巨亦嫂厭叔叔與客來嫂詳為羹盡櫟塗索隱曰櫟

杓歷金旁使為聲賓客以故去已而視金中尚有羹高

祖由此怨其嫂及高祖為帝封昆弟而伯子獨不得封

太上皇以為言高祖曰某非忘封之也為其母不長者

耳於是乃封其子信為羹頡侯徐廣曰羹頡侯以高祖七年封封十三年高祖

張晏云丘大長嫂稱也顏師古曰丘巨皆大也叔中無日中有



元年有罪削爵一級為關內侯。索隱曰：羹頡爵號非縣名，以其櫟金故也。正義曰：括地志云：羹頡山在媯州懷戎縣東南十五里，按高祖取其山名為侯號者，怨故也。而王次兄仲於代。徐廣曰：次兄名喜，字仲，以六年立為代王。其年罷卒，謚頃王，有子曰濞。高祖六年，已禽楚王韓信於陳，乃以弟交為楚王，都彭城。索隱曰：漢書云：楚王十六郡也。即位二十三年卒，子夷王郢立。索隱曰：漢書名郢，客也。夷王四年卒，子王戌立。王戌立二十年冬，坐為薄太后服，私姦削東海郡。索隱曰：漢書云：私姦於人，以罪重故至削郡也。春，戌與吳王合謀，反其相張尚、太傅趙夷吾，諫不聽。戌則殺尚、夷吾，起兵與吳西攻梁，破棘壁。正義曰：括地志云：大棘故城在宋州寧陵縣西七十里，州即梁棘壁。至昌邑南。正義曰：括地志云：有梁丘。

楚王劉交

故城在曹州成武縣東北三十二里也。

與漢將周亞夫戰，漢絕吳楚糧道。

士卒飢，吳王走楚，王戌自殺。軍遂降，漢已平吳楚，孝

景帝欲以德侯子續其

徐廣曰：德侯名廣，吳王濞之弟也。其父名仲。

以元王

子禮續楚寶太后曰：吳王，老人也，宜為宗室順善。今乃

首率七國紛亂天下，柰何？續其後，不許其許立楚。後是

時禮為漢宗正，乃拜禮為楚王，奉元王宗廟。是為楚文

王。文王立二年卒，子安王道立。安王二十二年卒，子襄

王經立。襄王立十四年卒，子王純代立。王純立地節二

年中，人上書告楚王謀反，王自殺。國除，入漢為彭城郡。

徐廣曰：純立十七年卒，謚節三子延壽立十九年死。索隱曰：大史公唯記王純為國人告反，國除蓋延壽後。



更封至十九年文謀反誅死故不同也。正義曰漢  
云王純嗣十六年子延壽嗣與趙何齊謀反延壽自  
立三十二年國除與此不同地節是宣帝年號去天漢  
四年二十九年仍隔昭帝世言到地節二年以下者蓋  
褚先生  
誤也說

王中有

趙王劉遂者正義曰年表云都邯鄲其父高祖中子名友謚曰幽

幽王以憂死故為幽高后王呂祿於趙一歲而高后崩

大臣誅諸呂呂祿等乃立幽王子遂為趙王孝文帝即

位二年立遂弟辟彊索隱曰音壁彊又音關疆取趙之河間郡為河

間王正義曰河間今瀛州也以為文王立十三年卒子哀王福立

一年卒無子絕後國除入于漢遂既王趙二十六年孝

景帝時坐晁錯以適削趙王常山之郡吳楚反趙王遂

趙王劉遂

七乍往

與合謀起兵其相建德索隱曰建德其相名史失姓也內史王惲諫

不聽遂燒殺建德王惲發兵屯其西界欲待吳與俱西

北使匈奴與連和攻漢漢使曲周侯酈寄擊之趙王遂

還城守邯鄲相距七月吳楚敗於梁不能西匈奴聞之

亦止不肯入漢邊藥布自破齊還乃并兵引水灌趙城

趙城壞趙王自殺邯鄲遂降正義曰邯鄲洛州縣也趙幽王絕後

太史公曰國之將興必有禎祥君子用而小人退國之

將亡賢人隱亂臣貴使楚王戊母刑申公遵其言索隱曰漢

書申公名塔趙任防與先生趙飛傳曰趙人防與公也

見趙不用防與公蓋當時猶知事跡或此及漢書雖不豈有莫及之

別有所見故太史公明所以結其贊

母音無  
孫儉曰史中有穆  
王申公更而徐裝  
此中不見中有



為天下修哉賢人乎賢人乎非質有其內惡能用之  
甚矣安危在出令存亡在所任誠哉是言也

索隱述贊曰

漢封同姓

楚有令名

既滅韓信

王失彭城

穆生致醴

韋孟作程

王戊棄德

與吳連兵

太后命禮

為楚罪輕

文襄繼立

世挺才英

如何趙遂

代殞厥聲

興亡之兆

所任宜明

楚元王世家第二十

史記五十

荆燕世家第二十一

史記五十一

荆王劉賈

正義曰年表云都吳也

諸劉者不知其何屬

漢書賈高帝從父兄

索隱曰註引漢書則班固或別有所見也

初起時漢王元年還定三秦劉

賈為將軍定塞地

索隱曰即桃林之塞

從東擊項籍漢四年漢王

之敗成臯北渡河得張耳韓信軍軍脩武深溝高壘使

劉賈將二萬人騎數百渡白馬津入楚地

正義曰括地志云黎陽一

名白馬津在滑州白馬縣北二千

燒其積聚以破其業

無以給項王軍食而已楚兵擊劉賈賈輒壁不肯與戰

而與彭越相保漢五年漢王追項籍至固陵

徐廣曰在陽夏正

義曰括地志云固陵陵名在陳州宛丘縣西北四十二里使劉賈南渡淮圍壽春

續子賜友聚苑論

三 者



日今壽州壽還至使又閒招楚大司馬周殷周殷反殺  
 春縣是也  
 佐劉賈舉九江迎武王黥布兵皆會垓下共擊項籍漢  
 王因使劉賈將九江兵與太尉盧縮西南擊臨江王共  
 尉索隱曰共共尉之子尉已死以臨江為南郡正義曰今荆州也漢六  
 年春會諸侯於陳正義曰今陳州也廢蔡王信囚之分其地為  
 二國當是時也高祖子幼昆弟少又不賢欲王同姓以  
 鎮天下乃詔曰將軍劉賈有功及擇子弟可以為王者  
 羣臣皆曰立劉賈為荆王王淮東五十二城索隱曰表  
 吳又漢書以東陽郡封賈東陽即臨淮故云王淮  
 東正義曰括地志云西北四十里蓋此縣是也高祖  
 弟交為楚王王淮西三十六城正義曰淮以西因立子  
 荆王劉賈

肥為齊王始王昆弟劉氏也高祖十一年秋淮南王黥  
 布反東擊荆荆王賈與戰不勝走富陵索隱曰地理志  
 正義曰括地志云富陵故城在楚州盱眙縣東北六十里為布軍所殺高祖自擊破  
 布十二年立沛侯劉濞為吳王王故荆地  
 燕王劉澤者諸劉遠屬也漢書澤高祖從祖昆弟。索  
 卿云劉澤宗家也按言宗家似疎遠矣然則班固言從祖昆弟當別有所見也高祖三年澤為  
 郎中高帝十一年澤以將軍擊陳豨得王黃為營陵侯  
 索隱曰地理志縣名在北海。正義曰括地志云營陵故城在青州北海縣南二十里高后時齊  
 人田生晉灼曰楚漢游之資以畫干營陵侯澤服虔曰  
 干之也文穎曰以工畫得寵澤大說之用心二百斤  
 也。索隱曰兩家之義並通



田生壽田生已得金即歸齊二年澤使入謂田生日

與矣孟康曰與黨與言不復與我為田生如長安不見

澤而假大宅令其子求事呂后所幸大謁者張子卿徐廣曰名澤朝案如居數月田生子請張卿臨親脩具張卿

許往田生盛帷帳共具譬如列侯張卿驚酒酣乃屏人

說張卿曰臣觀諸侯王邸第百餘皆高祖一切功臣

曰此一切猶一例同時也今呂氏雅故本推轂高帝就

天下如淳曰呂公知高祖相貴以女妻之推轂使為長

也。索隱曰雅訓素也謂呂氏素心奉推高祖功至大

又親戚太后之重太后長秋長諸呂弱太后欲立呂產

燕王劉澤

臣語正義曰魚  
及以甲言尊  
意也

為呂王王代太后又重發之文穎曰欲發之恐大臣

大臣不聽今卿最幸大臣所敬何不風大臣以聞太后

太后必喜諸呂已王萬戶侯亦卿之有正義曰高后紀

陵太后心欲之而卿為內臣不急發恐禍及身矣張卿

大然之乃風大臣語太后太后朝因問大臣大臣請立

呂產為呂王太后賜張卿千斤金張卿以其半與田生

田生弗受因說之曰呂產王也諸大臣未大服今營陵

侯澤諸劉為大將軍獨此尚缺望徐廣曰缺音決今卿

言太后列十餘縣王之彼得王喜去諸呂王益固矣張

卿入言太后然之乃以營陵侯劉澤為琅邪王琅邪

三十九

義曰張子卿漢  
書作澤卿音釋  
高后紀周勃傳  
作釋子卿字也  
親脩具漢書  
與也請張卿臨  
親脩具請張卿  
惟共具譬如列  
侯共具漢書  
作具置

列中作



朋後讀時讀

乃與田生之國田生勸澤急行毋留出關太后果使

追止之已出即還及太后崩琅邪王澤乃曰帝少諸呂

用事劉氏孤弱乃引兵與齊王合謀西漢書音義曰澤至齊為齊王所

劫不得去乃說王求詣京師齊具車送之不為本與齊

合謀也。索隱曰漢書齊王傳云使祝午劫琅邪王至

齊因留琅邪王不得反國澤乃說求入關齊乃送之與

此文不同者劉氏以為燕齊兩史各言其主立功之迹

太史公間疑遂各欲誅諸呂至梁聞漢遣灌將軍屯滎

陽澤還兵備西界遂跳驅至長安漢書音義曰跳驅馳

跳他彫反脫獨去也。代王亦從代至諸將相與琅邪王

共立代王為天子天子乃徙澤為燕王乃復以琅邪王

齊復故地李奇曰本齊地分以澤王燕二年薨謚為敬

王傳子嘉為康王至孫定國與父康王姬姪生子男丁

人奪第妻為姬與子女二人姪定國有所欲誅殺臣肥

如令郢人如淳曰定國自欲有所殺餘臣肥如令郢人

郢人以告定國也小顏以為定國欲有所誅殺餘臣郢

人等告定國定國使謁者以他法劾捕格殺郢人以滅

口至元朔元年郢人昆弟復上書具言定國陰事以此

發覺詔下公卿皆議曰定國禽獸行亂人倫逆天當誅

上許之定國自殺國除為郡

太史公曰荆王王也由漢初定天下未集故劉賈雖屬

嘉或作喜

漢書曰師古云如

海說非也肥如

燕之屬縣也郢

人者縣令之邑

定國別欲誅其

臣又欲誅肥如

令郢人而為郢

燕王劉澤

道

劫六

共



田子春欲王劉澤先使張卿說封呂產乃恐然劉澤以大臣缺望澤卒得王故為權激諸呂也  
南面稱孤者二世事發相重豈不為得乎晉灼曰澤事張卿張卿言之呂后而劉澤得王故曰事發相重或曰事起於相重也。索隱曰謂先發呂氏令重而我亦得其功是事發相重也。偉盛也。蓋盛其能激發也。

索隱述贊曰

劉賈初從 首定三秦 既渡白馬 遂圍壽春

始迎黥布 絕聞周殷 賞功胙土 與楚為隣

營陰始爵 熱由擊陳 田生遊說 受賜千斤

權激諸呂 事發榮身 徙封傳嗣 二於郢人

荆燕世家第二十一

史記五十一

齊悼惠王世家第二十二

史記五十二

齊悼惠王正義曰年表云都臨淄劉肥者高祖長庶男也其母外

婦也曰曹氏高祖六年立肥為齊王食七十城諸民能

齊言者皆予齊王索隱曰謂其語音及各物其於楚魏還齊齊王孝惠帝兄也孝惠帝二年齊王入朝惠帝與

齊王燕飲亢禮如家人索隱曰謂齊王是兄不為君臣禮而乃自亢敵如家人行兄弟

之禮故呂太后怒且誅齊王齊王懼不得脫乃用其內

史勳計獻城陽郡正義曰括地志云濮州雷澤本漢城陽縣按後為郡也以為魯

元公主湯沐邑呂太后喜乃得辭就國悼惠王即位

三年以惠帝六年卒子襄立是為哀王哀王元年孝惠

卒待接不接下

齊言正義曰諸

齊民言語与楚

魏燕趙異者隨

地別屬齊也

正義曰不尊惠帝

如家人兄弟禮



崩後讀不讀以下同

帝崩呂太后稱制天下事皆決於高后二年高后立其

兄子酈侯徐廣曰一作酈。索隱曰二字皆音孚酈縣在馮翊酈縣在高陽。正義曰按音呈益

反括地志云故酈城在鄧州新城縣西北四十里蓋此縣是也呂台為呂王索隱曰音

子割齊之濟南郡正義曰括地志云濟南故城在淄州長山縣西北三十五里為呂

王奉邑哀王三年其弟章入宿衛於漢呂太后封為朱

虛侯索隱曰地理志縣名屬琅邪以呂祿女妻之後四年封章弟興

居為東牟侯索隱曰地理志縣名屬東萊皆宿衛長安中哀王八年

高后割齊琅邪郡正義曰今沂州也立營陵侯劉澤為琅邪王

其明年趙王友入朝幽死于邸三趙王皆廢高后立諸

呂為三王徐廣曰燕趙梁擅權用事朱虛侯年二十有氣力忿

齊悼惠

二趙王趙王友趙王友趙王友

劉氏不得職嘗入侍高后燕飲高后令朱虛侯劉章為

酒吏章自請曰臣將種也請得以軍法行酒高后曰可

酒酣章進飲歌舞已而曰請為太后言耕田歌高后兒

子畜之笑曰顧而父知田耳若生而為王子安知田乎

索隱曰顧猶念也而及若皆訓汝章曰臣知之太后曰試為我言田章

曰深耕穡種立苗欲疏非其種者鋤而去之呂后默然

頃之諸呂有一人醉立酒章追拔劍斬之而還報曰有

云酒一人臣謹行法斬之太后左右皆大驚業已許其

軍法無以罪也因罷自是之後諸呂憚朱虛侯雖大臣

皆依朱虛侯劉氏為益彊其明年高后崩趙王呂祿為

軍

概音羹

軍



誅諸呂之亂自此始

齊王 悼惠王子 哀王表也

上將軍呂王產為相國皆居長安中聚兵以威大臣欲  
為亂朱虛侯章以呂祿女為婦知其謀乃使人陰出告  
其兄齊王欲令發兵西朱虛侯東牟侯為內應以誅諸  
呂因立齊王為帝齊王既聞此計乃與其舅父駟鈞索隱曰  
曰舅謂舅父郎中令祝牛中尉魏勃陰謀發兵齊相召  
猶姨稱姨母平聞之索隱曰廣陵人召平與東陵侯召平及此召平  
皆以別人也功臣表平子奴以父功封黎侯也  
乃發卒衛王宮魏勃給召平曰王欲發兵非有漢虎符  
驗也而相君圍王固善勃請為君將兵衛衛王召平信  
之乃使魏勃將兵圍王宮勃既將兵使圍相府召平曰  
嗟乎道家之言當斷不斷反受其亂乃是也遂自殺於

齊悼惠王列傳

作或乍為

立初或無

是齊王以駟鈞為相魏勃為將軍祝牛為內史悉發國  
中兵使祝牛東詎琅邪王曰呂氏作亂齊王發兵欲西  
誅之齊王自以兒子年必不習兵革之事願舉國委大  
王大王自高帝將也習戰事齊王不敢離兵索隱曰服  
離其兵而使臣請大王幸之臨淄見齊王計事并將齊  
到琅邪兵以西平關中之亂琅邪王信之以為然西馳見齊王  
齊王與魏勃等因留琅邪王而使祝牛盡發琅邪國而  
并將其兵琅邪王劉澤既見欺不得反國乃說齊王曰  
齊悼惠王高皇帝長子推本言之而大王高皇帝適長  
孫也當立今諸大臣狐疑未有所定而澤於劉氏最為

史五十一

天三六十六小一六三



長年大臣固待澤波計今大王留臣無為也不如使我  
 入關計事齊王以為然乃益具車送琅邪王琅邪王既  
 行齊遂舉兵西攻呂國之齊南於是齊哀王遺諸侯王  
 書曰高帝平定天下王諸子弟悼惠王於齊悼惠王薨  
 惠帝使留侯張良立臣為齊王惠帝崩高后用事春秋  
 高聽諸呂擅廢高帝所立又殺三趙王正義曰：隱王如意幽王友梁王恢從燕趙王建梁王  
 高祖子也並滅梁燕趙正義曰：梁王恢從燕趙王建梁王以王  
 諸呂分齊國為四索隱曰：謂濟南琅邪城陽并齊為四也。正義曰：琅邪郡封劉澤濟南郡  
 以為呂王奉邑城陽為魯元公主湯沐邑忠臣進諫上惑亂不聽今高后崩  
 皇帝春秋富索隱曰：小顏云：年幼也。比之於財方未匱竭故謂之富也。未能治天下

齊悼惠王劉肥

固恃大臣諸將今諸呂又擅自尊官聚兵嚴威劫列侯  
 忠臣矯制以令天下宗廟所以危今寡人率兵入誅不  
 當為王者漢聞齊發兵而西相國呂產乃遣大將軍灌  
 嬰東擊之灌嬰至滎陽乃謀曰諸呂將兵居關中欲危  
 劉氏而自立我今破齊還報是益呂氏資也乃留兵屯  
 滎陽使使喻齊王及諸侯與連和以待呂氏之變而共  
 誅之齊王聞之乃西取其故濟南郡亦屯兵於齊西界  
 以待約呂祿呂產欲作亂關中朱虛侯與太尉勃丞相  
 平等誅之朱虛侯首先斬呂產於是太尉勃等乃得盡  
 誅諸呂而琅邪王亦從齊至長安大臣議欲立齊王而

權者

章



琅邪王及大臣曰齊王母家駟鈞惡虎而冠者也

曰言鈞惡虎如虎而著冠方以呂氏故幾亂天下今又立齊王是欲

復為呂氏也代王母家薄氏君子長者且代王又親高

帝子於今見在且最為長以子則順以善人則大臣安

於是大臣乃謀迎立代王而遣宋虛侯以誅呂氏事告

齊王今罷兵灌嬰在滎陽聞魏勃本教齊王反既誅呂

氏罷齊兵使使召責問魏勃勃曰失火之家豈暇先言

大人而後救火乎索隱曰此蓋舊俗之言謂救火之急

暇待詔因退立股戰而栗恐不能言者終無他語灌將

軍熟視笑曰人謂魏勃勇妄庸人耳索隱曰妄庸言凡妄庸劣之人何

齊悼惠王割肥

大或作丈  
救火手師古曰言  
社稷將危故事  
以匡之不暇待  
有詔命

能為乎乃罷魏勃索隱曰罷謂不魏勃父以善鼓琴見

秦皇帝及魏勃少時欲求見齊相曹參家貧無以自通

乃常獨早夜掃齊相舍人門外相舍人怪之以為物而

伺之索隱曰姚氏云物怪物得勃勃曰願見相君無因故為子掃

欲以求見於是舍人見勃曹參因以為舍人一為參御

言事參以為賢言之齊悼惠王悼惠王召見則拜為內

史始悼惠王得自置二千石及悼惠王卒而哀王立勃

用事重於齊相王既罷兵歸而代王來立是為孝文帝

孝文帝元年盡以高后時所割齊之城陽琅邪濟南郡

復與齊而徙琅邪王王燕益封朱虛侯東牟侯各二千

文字或中無  
魏勃始見齊  
漢書師古曰物  
指鬼神也  
見行練反

以下立悼惠王之  
謂子更



正義曰罷音擺  
補買及捍同

年表并倉公傳  
楊作陽

戶是歲齊哀王卒太子側立是為文王齊文王元年漢  
以齊之城陽郡立朱虛侯為城陽王以齊濟北郡正義曰今濟州濟北王所都立東牟侯為濟北王二年濟北王反漢誅殺

之地入于漢後二年孝文帝盡封齊悼惠王子罷軍等  
七人罷音不皆為列侯齊文王立十四年卒無子國除

地入于漢後一歲孝文帝以所封悼惠王子分齊為王  
齊孝主將閭以悼惠王子楊虛侯為齊王故齊別郡盡

以王悼惠王子子志為濟北王子辟光為濟南王子賢  
為菑川王子卬為膠西王子雄渠為膠東王與城陽齊

凡七王索隱曰謂將閭為齊王志為濟北王卬膠西王辟光濟南王賢菑川王章城陽王雄渠為膠東

齊悼惠王劉肥

諸侯指悼惠王諸子

平兵楚七國亂  
事

王齊孝王十一年吳王濞楚王戊反興兵西告諸侯曰

將誅漢賊臣鼂錯以安宗廟膠西膠東菑川濟南皆擅  
發兵應吳楚欲與齊齊孝王狐疑城守不聽三國兵共

圍齊張晏曰勝西齊王使路中大夫張晏曰姓路為中大夫。索隱曰史

中大夫還告齊王善堅守吾兵今破吳楚矣路中大夫

至三國兵圍臨菑數重無從入三國將劫與路中大夫  
盟曰若反言漢已破矣齊趣下三國不且見屠路中大

夫既許之至城下望見齊王曰漢已發兵百萬使太尉  
周亞夫擊破吳楚方引兵救齊齊必堅守無下三國將

報  
劫  
趣  
促

大司馬



無河  
復作後

復作後

吳楚亂畢

濟北王志不與

吳楚亂也

悼惠王孝王將

閔懿王次景

誅路中大夫齊初圍急陰與三國通謀約未定會聞路  
 中大夫從漢來喜及其大臣乃復勸王母下三國居無  
 何漢將爰布平陽侯等兵至齊索隱曰平陽侯按曹奇擊破  
 三國兵解齊圍已而復聞齊初與三國有謀將欲移兵  
 伐齊齊孝王懼乃飲藥自殺景帝聞之以為齊首善以  
 迫劫有謀非其罪也乃立孝王太子壽為齊王是為懿  
 王續齊後而膠西膠東濟南菑川王咸誅滅地入于漢  
 徙濟北王王菑川齊懿王立二十二年卒子次景立是  
 為厲王齊厲王其母曰紀太后太后取其弟紀氏女為  
 厲王后王不愛紀氏女太后欲其家重寵索隱曰重直龍反謂欲世

齊悼惠王劉肥

偏王王姊好之事

寵貴於王宮令其長女紀翁主入王宮索隱曰如淳云諸王

故謂之正其後宮母令得近王欲令愛紀氏女王因與  
 其姊翁主姦齊有宦者徐申入事漢皇太后索隱曰謂

也帝母皇太后有愛女曰脩成君脩成君非劉氏張晏曰

太后憐之脩成君有女名娥太后欲嫁之於諸

侯官者甲乃請使齊必令王上書請娥皇太后喜使甲

之齊是時齊人主父偃知甲之使齊以取后事亦因謂

甲即事成幸言偃女願得充王後宮甲既至齊風以此

事紀太后大怒曰王有后後宮具備且甲齊貧人急廣

乃為宦者入事漢無補益乃欲亂吾王家且主父

急句會增句言也迫也

三十一 九十一



事或有

繼定國者引澤  
俗也年父康王嬖  
奪弟妻為嬖與  
子女三人女禽獸  
行亂人倫

正義曰浸淫侵尋  
音又音淫浸淫猶  
漸潤深也

市租千金正義曰  
謂臨淄之市所  
賣之物日出稅利  
千金言齊人衆  
殷富也千金萬貫

趙王者景帝子字  
彭祖曰自吳楚亂  
趙王遂滅王子趙王  
以帝政元年薨

偃何為者乃欲以女充後宮徐申大竅還報皇太后曰  
王已願尚燕然有一害恐如燕王燕王者與其子昆弟  
姦新坐以死二國故以燕感太后太后曰無復言嫁女  
齊事事浸淫不得聞於天子主父偃由此亦與齊有卻  
主父偃方幸於天子用事因言齊臨淄十萬戶市租千  
金索隱曰市租謂所賣之物出租  
日得千金言齊人衆而且富也人衆殷富巨於長安  
此非天子親弟愛子不得王此令齊王於親屬益踈乃  
從容言呂太后時齊欲反吳楚時孝王幾為亂今聞齊  
王與其姊亂於是天子乃拜主父偃為齊相且止其事  
主父偃既至齊乃急治王後宮宦者為王通於姊翁主

齊傳景王劉卬

趙王者景帝子字  
彭祖曰自吳楚亂  
趙王遂滅王子趙王  
以帝政元年薨

正義曰言奉葬重  
大小之事故許

此音鼻

于中有

景王章傳

所者令其辭證皆引王王年少懼大罪為吏所執誅乃  
飲藥自殺絕無後是時趙王懼主父偃一出廢齊恐其  
漸踈骨肉乃上書言偃受金及輕重之短索隱曰謂偃  
之恨因言齊之短為輕重之辭蓋  
言臨淄富及吳楚孝王時事是也天子亦既囚偃公孫  
弘言齊王以憂死母後國入漢非誅偃無以塞天下之  
望遂誅偃齊厲王立五年死母後國入于漢齊悼惠王  
後尚有二國城陽及菑川菑川地比齊天子憐齊為悼  
惠王冢園在郡割臨菑東環悼惠王冢園邑盡以予菑  
川以奉悼惠王祭祀城陽景王章正義曰年表  
云都莒也齊悼惠  
王子以朱虛侯與大臣共誅諸呂而章身首先斬相國

五二



齊悼惠王居傳

齊悼惠王劉

呂王產於未央宮孝文帝既立益封黃金二千戶賜金千  
 斤孝文二年以齊之城陽郡立章為城陽王立二年卒  
 子喜立是為其王其王八年徙王淮南索隱曰當孝文  
 帝之十二年也四年復還王城陽凡三十三年卒子建延  
 九年卒子武立是為惠王惠王十一年卒子順立是為  
 荒王荒王四十六年卒子恢立徐廣曰廿  
 露二年是為戴王戴  
 王八年卒子景立至建始三年正義曰建始成帝年號  
 從建始四年上至天漢  
 四年六十七矣蓋指先生次之十五歲卒濟北王興居正義曰都  
 濟州也齊悼  
 惠王子以東牟侯助大臣誅諸呂功少及文帝從代來

侯中有  
下同  
意中有

興居曰請與太僕嬰入清宮發少帝共與大臣尊立孝  
 文帝孝文帝二年以齊之濟北郡立興居為濟北王與  
 城陽王俱立立二年反始大臣誅呂氏時朱虛侯功尤  
 大許盡以趙地王朱虛侯盡以梁地王東牟侯及孝文  
 帝立聞朱虛東牟之初欲立齊王故繼其功及二年王  
 諸子乃割齊二郡以王章興居章興居自以失職奪功  
 章死而興居聞匈奴大入漢漢多發兵使丞相灌嬰擊  
 之文帝親幸太原以為天子自擊胡遂發兵反於濟北  
 天子聞之罷丞相及行兵皆歸長安使棘蒲侯柴將軍  
 張敖曰擊破虜濟北王王自殺地入于漢為郡後十二

柴武



濟南王辟光

菑川王賢

以中作亦

年文帝十六年復以齊悼惠王子安都侯正義曰安都故城在瀛州高陽縣西南二十九里志為濟北王索隱曰地理志安都關十一年吳楚反

時志堅守不與諸侯合謀吳楚已平徙志王菑川濟南王辟光正義曰辟音壁都濟南郡齊悼惠王子以勒侯索隱曰勒漢書作勃皆音

漢擊破殺辟光以濟南為郡地入于漢菑川王賢正義曰年表云淄川王都劇故城在青州壽光縣西二十一里齊悼惠王子以武城侯索隱曰按地理志縣名屬平原也

吳楚反漢擊破殺賢天子因徙濟北王志王菑川志以齊悼惠王子以安都侯王濟北菑川王反母後乃徙濟

齊悼惠王劉肥

北王王菑川凡立三十五年卒謚為懿王子建代立是為靖王二十年卒子遺代立是為頃王三十六年卒子

終古立是為思王二十八年卒子尚立是為孝王五年卒子橫立至建始正義曰亦諸少孫次之三年十一歲卒膠西王

印正義曰印五郎反年表云都高苑括地北四里齊悼惠王子以昌平侯正義曰括地志云昌平故城在幽州東南六十里也文帝十六年為膠

西王十一年與吳楚反漢擊破殺印地入于漢為膠西郡膠東王雄渠正義曰年表云都即墨按即墨故城在萊州膠東縣南六十里齊悼惠

王子以白石侯索隱曰地理志縣名屬金城文帝十六年為膠東王十一年與吳楚反漢擊破殺雄

文帝十六年為膠東王十一年與吳楚反漢擊破殺雄

膠東王雄渠

十一年或無



渠地入于漢為膠東郡

大史公曰諸侯大國無過齊悼惠主以海內初定子弟少激秦之無尺土封故大封同姓以填萬民之心及後分裂固其理也

索隱述贊曰

漢矯秦制

樹彛自彊

表海大國

悉封齊主

呂后肆怒

乃獻城陽

哀王嗣立

其力不量

朱虛仕漢

功大策長

東牟受賞

稱亂貽殃

膠東濟北

雄渠辟光

齊雖七國

忠孝者昌

齊悼惠主世家第二十二

史記五十二



